

Е.И. Антановский (1903-194...)

Ұлы Отан соғысында Кеңестер елі халқының жеңісіне ерекше үлес болып қосылған балқаштық қос стратегиялық металл – мыс пен молибден бұлағының ашылуына Ленинградтық инженер-байытушы ғалым Евлампий Иванович Антоновскийдің еңбегі ерекше. Антоновский Евлампий Иванович 1903 жылы, Владимир губерниясы, Вязников уезі, Метера деревнясында туған. 1922 - жылы Ленинградтың жұмысшылар факультетіне түсіп, оны 1927-жылы аяқтаған соң 1927-1931 –жылдары Ленинград тау–кен институтына түсіп, инженер- байытушы мамандығын алып шығады. 1931-1933 жылдары сол институттың аспирантурасында жүрген кезден-ақ Қоңырат кенінің тотыққан сульфид рудасынан молибденді бөліп алу мәселесімен шұғылданады. 1933-жылы Балқашқа келіп, тәжірибе жұмыстарын жалғастырады. Балқаш алып құрылыс алаңында 1933-1943 жылдары Евлампий Иванович Қоңырат кенін байыту тәжірибесі лабораториясы мен тәжірибелік байыту фабрикасының жетекшісі болды. Ғылыми тәжірибелі жұмысқа кадрлердің тапшылығын сезген Е.И. Антоновский, 1935-жылы қоғамдық негізде сауатсыздықты жою жұмысшы факультетін ұйымдастырып, оны 1938-жылға дейін басқарды.

1939-жылы 10 - наурызда оның жетекшілігімен жартылай өндірістік жағдайында бірінші рет молибден концентраты (кальци молибдаты) алынды. 1940 - жылы молибден фабрикасының бірінші секциясын жобалау басталып, ал 1941 жылдың күзінде өнеркәсіптік концентрат алынды. Теріскей Балқашты өндірістік өлкеге айналдырудағы ерен еңбегі үшін Е.И.Антоновский Орталық Атқару Комитеті Президиумының қаулысымен «Қазақстанның 15 жылдығы», ал Шығыс Қоңырат молибденін игерудегі авторлық еңбегі үшін 1942-жылы Сталин сыйлығымен марапатталды.



Мемлекеттік сыйлықтың лауреаты
Антоновский Евлампий Иванович

